

卷十四

書名 西湖拾遺四十五卷圖三卷 嘉慶十
 六年刊本
 撰者 清 陳樹基 撰
 卷 卷十四
 內容分類 集-小說-短篇小說
 索書號 雙紅堂-小說-43
 編號 D8630500

[彩色首頁1](#)
[彩色首頁2](#)
[彩色首頁3](#)

東洋文化研究所漢籍目錄 編號: D8630500

東洋文化研究所漢籍目錄所藏漢籍善本全文影像資料庫 索書號: 雙紅堂-小說-43

漢籍善本全文影像資料庫文本西湖拾遺四十五卷圖三卷 嘉慶十六年刊本

版權所有: 東京大學 東洋文化研究所

[使用上的注意事項](#)

西湖拾遺目次

卷一

西湖全圖

卷二

西湖十景圖

卷三

西湖人物圖

王崛起
 吳越勳
 雄藩



合名同日月

照耀一天青

西湖拾遺卷十四

錢塘梅溪氏搜輯

岳武穆千秋遺恨

墨水源挂閣閣

志復中原尙可伸

迎還二帝早批鱗

偏安自此中分宋

罷戰如何獨罪秦

遺恨平金埋顛氣

空勞鑄鐵跪奸人

莫須有是君臣定

留得千秋俎豆新

拜岳鄂王坟敬作因思西湖爲遊賞名區乃有千古
不朽忠肝義膽智勇皆全大英雄之墓生雖生在相

州湯陰地方住却住在杭州按察司內死却死在大
理獄風波亭上蓋却葬在北山棲霞嶺下遂使繁華
之地增雄壯之色岳王諱飛字鵬舉父母生他的時
節夢見一個金甲紅袍身長丈餘的將軍走進門來
大聲道我是漢朝張翼德也今暫到汝家說畢卽時
分婉父親因此就取名爲飛生不多時忽值河水泛
決母親姚氏驚慌無措因抱岳公坐在一個大甕中
衝濤觸浪而去旣而抵岸出時母與公俱無恙人以
此異之他生而威武少負氣節家貧力學最好讀的
是左氏春秋與孫吳兵法未冠時就能挽三百斤的
弓八石的弩他從的一個師父姓周名侗射的好箭
日日受他指教不數年早已盡得其妙左右手都能
開弓矢無虛發兼之十八般武藝件件皆精岳公甚
是感激後來周侗死了岳公痛哭每到朔望必備酒
餚楮帛到坟頭去祭奠必射幾箭方回風雨不阻父
母甚喜道今日不忘師父之德異日豈忘君父之恩
岳公旣長聞知二帝蒙塵不勝憤激因題滿江紅詞
一首以見志道

怒髮冲冠凭闌處瀟瀟雨歇抒望眼仰天長嘯
壯懷激烈三十功名塵與土八千里路雲和月
莫等閒白了少年頭空悲切 靖康恥猶未雪
臣子恨何時滅駕長車踏破賀蘭山缺壯志饑
餐仇寇肉笑談渴飲刀頭血待從頭收拾舊山

河朔天闕

只這一首詞岳公的俠氣雄心一腔忠義已見於筆
墨之內此時金兵屢屢犯邊朝廷合劉豫爲北定宣

司招募敢勇之士岳公因而應募雖蒙收錄只在
留守使帳下聽用却尙沒人知他偶一時犯了重法

刀斧手綁去要斬幸得留守使宗澤出帳看見他紅
光滿面一貌堂堂不覺大驚忙喝退刀斧手親解其
縛道此大將材也幾悞大事正說未完忽探馬報金
兀朮攻汜水鋒不可當宗澤點了五百兵與他立功
贖罪岳公領命而去恰逢着兀朮的先鋒乘得勝之
勢鼓勇而來岳公也不等他到百步之內早張滿硬
弓輕抽神箭只聽得颼的一聲那先鋒早已兩腳蹬
空喪其性命岳飛就這一箭裡飛馬衝入使起丈八

點鋼鎗就如一條烏龍翻江攪海人逢人死馬遇馬
亡五百兵無不一以當十只這一陣殺得金兵片甲
不存岳公方整軍而回真是

喜孜孜鞭敲金鐙響

笑吟吟人唱凱歌回

宗澤見岳飛得勝而回遂大開轅門迎他入去親自
把盞賞勞衆軍遂陞他爲統制官飲酒之間宗澤對
岳飛道爾智勇材藝雖古名將不能過然好野戰非
萬全之計因把自己的得意陣圖傳示他岳飛因答
道陣而後戰兵家之常但當此衆寡之際則運用之
妙存乎一心宗澤大以爲是自此之後天下方知岳
公是員大將到了建炎元年岳公因高宗心志怠惰
因上疏道

陛下已登大寶勤王之師日集宜乘敵怠而擊之
黃潛善汪伯彥不能承聖意恢復乃奉車駕日益
南恐不足以繫中原之望願陛下乘敵穴未固親
率六師北渡則大軍舒氣中原可復

此疏奏上了黃潛善汪伯彥兩個看見只咬得牙齒
剝剝的響道小卒輟敢放肆如此遂在高宗面前互

相讒譖高宗便降旨越職言事削去官爵岳公知被
讒譖無可奈何只得往投於河北招討使張所張所
素曉得岳公是個英雄就授他爲中軍統領因問岳
公道吾聞人盡稱汝驍勇不知汝能敵多少人岳公
道勇不足恃用兵在先定謀昔晉欒枝曳柴以敗荆
楚莫放採樵以致絞皆定謀也張所頓足稱賞道君
殆非行伍中人也愈加敬重就陞爲武經郎岳公因
對張所說道國家都汴時恃河北一帶地方據守要
衝峙列重鎮一城受圍則諸城援救今若先復新鄉
以圖進取則金人不能窺河南京師根本之地固矣
張所聽了大喜因命都統王彥率岳飛等十一個將
官共七千人渡河殺奔新鄉而來來到新鄉早望見
金兵

漫天蓋地不異蟻聚蜂屯蔽日衝風有若熊奔虎
走左旋右繞旗交處霧鎖雲迷後擁前遮軍鬪時
神號鬼哭刀鎗鋒利排百里冰霜盛甲鮮明耀一
天星斗便是英雄也應膽落縱然豪傑必定心驚
王彥望見金兵勢大遂不敢前進竟下了營寨廣排



鹿角密布疾藜岳公因說道我兵一到須急急一戰先挫其銳氣今下了營寨彼以多敵少固守尚難豈用兵之善策乎若但如此則新鄉何日可得況他衆十萬我只七千須并力向前方可取勝王彥聽了懼怕金兵默默無言十個將官俱面面相覩不敢作聲岳公知衆將無能遂自招引部下的八百個精兵也不聽王彥的號令竟奮勇殺入金營金兀朮見他兵少不以爲意誰知岳家乃節制之兵偏能以少擊衆八百個兵衝入陣來就如八百個老虎一般況岳公一騎當先遠的用箭箭到卽死近的用鎗鎗到卽亡直殺至他大纛邊從來大纛之旁定有大將護守不料岳公到了大纛下手起鎗落棚死數人奪過大纛其舞如飛敵人望見了心膽俱裂殺得金兵四散五落王彥見岳兵得勝方纔率領十個將官一齊殺來遂復了新鄉王彥見岳公功成大有不足之意明日岳公又領了部下戰於候兆川奮不顧身身雖中箭血染衣甲只是不退衆兵見主將如此那一個不勇往爭先又贏了一陣不意糧少遂到王彥營中來要



糧王彥正懷忌刻只是不發岳公無可奈何只得引兵而北與金兵戰於太行山下金兀朮一員驍將號爲拓拔烏有一丈多長奇形怪狀勇力過人使一柄三尖兩刃八環刀連殺了岳軍帳下幾個勇士岳公大怒挺身而前親自接戰拓拔烏雖然有力怎當得岳公的神勇戰了五六十合岳公左手使鎗逼住了三尖兩刃刀便大喝一聲道賊酋往那裡去隨用右手欸扭狼腰從馬上直活捉過來金兵見主將被擒更紛紛亂竄岳兵一齊上前殺死不計其數回來把拓拔烏梟首祭旗隔不得兩日又與金兵接戰金兵隊裡黑風大王當先出馬手持雙刀如入無人之境岳公一箭射去黑風大王早一刀撥過了岳公見他撥過了第一箭却把弓絃虛拽一聲黑風大王見弓絃響側身躲過不知岳公會射連珠箭早把第二枝箭和得滿隨着絃響就發去黑風大王躲不及恰中在護心鏡上瑤的一聲火光迸烈黑風大王見岳公武藝高強撥轉馬頭就要走怎知岳公的丈八鋼鎗已到背後一刺糊透心窩將黑風大王從馬背上直

挑起到半空就像舞嬰兒做把戲的一般金兵見了皆抱頭而走岳兵又一齊趕殺上去真似砍瓜切菜金兵得命者皆痛哭而去好不暢快有詩爲証

雄心高日月

勇氣走風雷

已使前茅喪

還將後勁摧

岳公旣勝之後知王彥忌刻遂率所部仍歸宗澤宗澤一心指望恢復遂仍以岳公爲統制後來不幸宗澤死了高宗以杜克代宗澤岳公爲統制官誰知杜克無志將遷還建康岳公苦諫道中原之地尺寸不可棄今一舉足則此地非我有矣他日欲復取之非數十萬人不能克不聽竟遷回建康後金兵大至杜克不能抵敵遂降了金兀朮以致建康失守高宗着急遂奔往明州明州卽今之寧波府岳公聞知頓足嘆息道早聽吾言豈至如此又聞得金兀朮旣得建康又趨杭州岳公見事危急只得率領部下三千勇幹之士走到廣德境中原來岳公部下有兩個大將一名牛臯一名王貴并女婿張憲兒子岳雲四人俱有萬夫不當之勇岳公因叫牛臯領了五百騎伏於

左首聽砲聲出戰又叫王貴領五百兵伏於右首聽砲聲出戰自領岳雲張憲二千人皆令啣枚伏於背後打探得兀朮兵過後軍中放起連珠號砲來牛臯一枝兵從左邊殺出王貴一枝兵從右邊殺出岳公自領了岳雲張憲從背後抄轉喊殺連天飛塵蔽日那金兀朮出其不意先自慌了手脚四散奔走自相踐踏死者如山次日金兀朮合兵又戰岳公見金兵前列甚盛自領驍騎鼓勇而前却不從前軍殺入轉從側裡衝之竟入其陣把他陣勢截做兩段首尾不能相顧岳公却在他陣中橫衝直撞指東殺西就是猛虎一般將他陣勢揉得粉碎殺得他七零八落金兀朮又大敗了一陣岳公拔兵而回犒賞了衆軍因又分付牛臯王貴道金兵連日戰敗汝二人休惜勞苦各領五百兵分兩路而去夜砍其營我隨後殺來策應毋得失事二將各領命而去原來金兀朮最善用兵他也防着劫營埋伏兩枝人馬在營左右牛臯王貴二將正到金營誰知金營左右埋兵齊出抵敵個正在恰好岳雲張憲兩枝兵又到大家接着廝殺



混戰直至天明活捉了金將王權并四十餘員首領
 金兵又大敗了一陣岳公回營見解到王權并四十
 員首領因思金兵正盛但可智取難以力敵遂喝退
 了刀斧手親解其縛結以恩義四十員首領察其可
 用之人都結以恩義金兵感恩情願效死降兵五百
 餘人岳公却令自家兵穿了金兵一半衣甲拿了兀
 朮旗號雜於金兵之中假稱放歸之人到得金營金
 兵認做自家之人開營放進纔進得營門眾兵一齊
 發作起來金兵自先混亂認不得誰是岳家的兵岳
 公又乘機隨後領兵亂殺直殺得



滾滾烟塵平遮半天風日騰騰殺氣橫蓋滿地山
 河刀轉雪光閃一閃頭顱忽落弓彎月樣響一響
 脚腿陡翻脫擦一聲斷送許多戰士兵幾陣結
 果無數將軍殺來如水沸山崩無人敢敵敗去似
 雲愁月慘有足難奔

金兵連敗了六次便不敢再犯杭州因要回到建康
 岳公聞知便先遣輕騎三千預先分兵埋伏在牛首
 山左右金兵一到左一枝兵先出砲聲一響早監起

岳家旗一面金兵接應正急忽然右一枝兵突出砲響一聲早又豎起岳家旗二面金兵忙分一枝迎敵又聽得砲響三聲早又見岳家旗三面前面突出大隊人馬栲栳圈圍將轉來斫殺金兵三面受敵只望兵少處殺出岳公知圍他不倒反故意放他一條生路讓他衝出却只在後邊用強弓硬弩雨點般射將去金兵亂竄自相踐踏死者不計其數又大敗一陣岳公又於黑夜叫死士百人衣黑衣混殺進金營又令百人於金營左側亂鳴鼓角金兵正不知有多少兵殺進都自相攻擊死者無數喊殺了半夜這百人胡哨一聲又自聚在一處亂殺而出天暗月黑又不敢追殺出來只聽得鼓角兀自亂鳴不住挨到天明金將自點軍兵屍橫遍地皆是自家隊裡殺的到次日二更天又聽得前山鼓角亂鳴震得山搖地動寨中人先自膽寒又亂起來及至殺出寨外那鼓角又寂然無聲岳家軍也去得遠了亂了數日金兵個個心疑立脚不定遂把建康放了一把火棄之而去竟奔淮西岳公探知他渡江走靜安鎮先從小路裡抄

到大路埋伏下兩枝人馬候金兵一到伏兵殺出金兵見了岳家旗號先自怕懼怎能抵敵金兵雖有禁約如何禁約得住俱各抱頭鼠竄四散奔跑岳家軍遂復了建康捷報高宗高宗大喜遂陞岳飛爲江淮副招討使張浚爲江淮正招討使此時只因兀朮攪亂中原便有一班草寇乘機竊發佔據地方一個叫做孔彥舟綽號孔千斤佔據武陵地方一個張用綽號張飛虎佔據襄漢地方一個李成綽號李無敵佔據江淮湘湖地方這三個共連兵數萬圍了江州圍得水泄不漏城中漸漸支持不來又有一個馬通綽號馬八百在揚州地方作亂高宗因命招討使張浚督岳飛楊沂中分道進討張浚受命因集諸將計議岳公道若要解江州之圍須先破了筠州筠州破他見巢穴受傷則江州之圍不必救而自解矣張浚大喜從其言那時岳公潛出賊右一箭射其前部落馬然後縱坐下青驄馬挺手中鐵鎗沖突其陣所到之處勇不可當那人見了盡擁將來那岳將軍全無懼怯來一個殺一個來兩個殺一雙賊衆齊上岳公轉



起神威大喝一聲就如平地起一個霹靂手起鎗落只是殺人賊衆慌了遂一哄而走岳公却從後掩殺馬通大敗直奔至筠州見事勢危急遂合集圍江州之衆背筠河而布陣綿綿密密如長蛇之形直長至十五里岳公登高坡一望見賊勢浩大因說張浚道賊勢甚衆難以力敵須用奇勝張浚是其言岳公乃分精騎數千授楊沂中叫他乘夜啣枚渡過筠河約以日中只聽前山砲響却從山後共擊楊沂中領計而去岳公乃自領三千人馬暗暗伏於遠僻險隘之處却於紅羅旗上大書岳字單只着二百個人隨着旗幟在前誘敵賊望見岳家旗雖然懼怯却見他兵少便不以為意遂分一半人出寨領十餘萬人一擁而前這二百人怎生抵擋只得拖着旗幟而走賊衆隨後追來追不上數里早聽得一聲砲響岳家埋伏之軍早星飛電掣一齊擁出賊人見了已自心驚戰到午時已將大敗忽又聽得山後戰鼓齊鳴楊沂中率領數千精騎從山背馳下張浚又自率二千步兵殺入賊寨賊衆首尾不能相顧忙奔亂竄岳公令人

大叫道投降者盡坐於地決不妄殺一時坐而投降者就有八萬餘人賊人大敗馬通竟爲追兵所殺遂復了江筠二州岳公又領兵渡江追殺至蘄州黃梅縣李成孔彥舟見事急了只得北走投降了劉豫惟張用還擁着十萬之衆爲盜於江西岳公知他是相州人因寫書招他來降道

吾與汝同里南薰門鐵路步之戰汝皆所悉今吾在此欲戰則出不戰則降

張用見書嘆息道眞吾父也若再不見機死無日矣遂盡率十萬之衆親自降於轅門岳公大喜出帳迎接握手論舊張用遂死心塌地爲岳公所用由此江淮之地悉平張浚來奏高宗以岳飛之功第一高宗詔下進岳飛右軍都統制屯洪州彈壓盜賊到了紹興二年又出了一個大盜曹成擁衆十餘萬從江西歷湖廣據道州賀州邵州彬州連州到處騷擾軍民大受其害高宗詔岳飛權荆湖東路都總管岳公受命隨即着一個將官將金字牌黃旗招曹成來降若不降則大兵卽來誅戮曹成見了金字牌旗正在軍



中喫飯慌慌張張連飯碗都打碎了大驚道岳家軍來矣怎敵得他過隨即拔寨而起分道而遁岳公聞報卽選精騎隨後追趕直趕過桂嶺曹成遂欲以十萬之衆守住蓬頭嶺那蓬頭嶺是個極險隘之處真個是一夫當關萬人難過岳公因命前軍道此地極爲險峻兵貴神速趁他立脚未穩一鼓破之若容他把守停當便天神也難攻破那時岳家兵止八千人却人人奮勇果然一鼓登嶺曹成見了心慌竟逃往連州而去岳公因對張憲等一班將士道曹成敗去若盡數追殺則脅從可憫若縱放了他又仍聚爲盜今汝輩但誅其首惡餘衆須以恩義招其投降切不可妄殺以累上天保民之仁張憲等領命於是自賀州直到慶彬桂共招降一萬餘人與岳兵會於連州曹成正被岳兵追趕得上天沒路恰值韓世忠遣將招曹成投降曹成只得乘機就領了八萬人馬詣韓世忠帳下投降岳公探知遂整得勝之軍而回嶺表之地悉平捷報朝廷高宗大喜遂授岳飛武安軍承宣使到了紹興三年又出了一個雲都大盜彭支連



兵寇掠循州梅州等十一郡其勢甚是猖獗高宗詔岳飛入朝面論以勦賊之事又以隆祐太后被虔州之驚密密諭岳飛道殄乎盜賊之後可卽將虔州百姓盡行屠滅然後報朕岳飛聞言忙叩首堵下道願陛下但誅首惡而赦脇從庶不負上天好生之德高宗沉吟半晌方點首道卿言是也岳公受了君命遂領兵竟到虔州那大盜彭支恃人多將廣在強盜中也要算一個英勇的誰知見了岳將軍就不濟起來到得對陣時戰不上十數合早已被岳公縱馬而上直律律的捉了過去賊黨一時驚怖誰敢上前來遂盡數退保於一個固石洞岳公恐怕前面攻他後面走因訪了一個老成居民做鄉導領了三百名死士各帶鼓一面從山中小路啣枚而渡反在他洞背後將戰鼓亂鳴起來賊衆大驚岳軍然後一擁而上破了洞口正如甕中捉鱉賊人方出投降岳公只誅了首惡餘人一概赦免虔州百姓個個感其再生家家香燈跪接圖像供養岳公旣平了雲都之難回朝復命龍顏大悅親洒宸翰書精忠岳飛四字製大旗以



賜之岳飛謝恩而出有詩爲証

賜旗旣已識精忠 委任須當作股肱

何事風波亭子上 聽讒竟不念前功

那時許多山賊俱被岳將軍平了誰知又有一個水中的大盜比山賊更是凶惡他一名楊太又名楊么這楊么乘着宋朝之亂無人料理着他遂東勾西引聚集了十萬餘人屯據湖中僭號爲大聖天王時時上岸來騷擾地方擄掠居民官兵不敢正眼覷他他常自誇說道我水中有穴岸上有巢縱有官兵也無奈我何他若從陸路殺來我却躲到水裏他若從水路殺來我却又走到岸上焉能犯我分毫若要犯我除是飛來因此猖獗無惡不作湖裏一帶大受其害高宗聞知因命統制王燮會兵進討楊么不期王燮兵到早被楊么率亡命之徒只一陣就將官兵幾乎殺盡報到高宗高宗大怒此時已陞岳飛兼黃復州漢陽軍德安府制置使高宗遂降詔命岳公移屯於鄂勦捕楊么有人對岳公說道楊么屯據水中水中出沒是他的熟路今將軍所部皆關西漢子水戰恐



非所長岳公笑道兵亦何常之有全在主將陸則陸用之水則水用之顧用之何如耳豈有不習水戰之說哉遂先遣人招諭來降楊么雖狂橫置之不理早有一個得力的賊黨叫做黃佐最有識見因岳家來招諭他就轉了一個念頭遂聚所部商量道我見岳節使用兵與衆不同真是旗開得勝馬到成功連金兵數十萬都被他殺敗我與他相抗萬無生理不如投降他乃爲上着衆亦以爲然遂親到轅門納款岳公大喜遂表奏黃佐武義大夫隨即率騎到黃佐營中按其部壘有人諫止俱不聽到了黃佐營中出於意外盡大驚俯伏在地道將軍推誠若此情願執鞭隨鐙岳公都以溫言撫慰那些人歡聲若雷岳公按了營壘以手拍黃佐肩道子知順逆者必能成功封侯豈足道哉我欲汝至湖中視其可勸者招之可乘者撫之黃佐感岳公赤心待人誓以死報那時張浚都督諸軍士至潭州他的叅政席益見岳兵不戰說他玩寇將欲奏聞張浚道岳公忠孝人也兵有深機胡可易言席益見張浚說了這一句羞慚而止過不



多幾日黃佐欲邀一個賊將周倫同來投降那周倫不肯聽黃佐因大怒遂率領自部下的人馬夜襲其砦把周倫一刀殺了獻于岳公岳公大喜隨遷黃佐爲武功大夫統制此時岳公胷中已有了成算正欲翦滅楊么適值高宗有旨要召張浚回去防秋岳公忙去見張浚袖中取出一個小小圖兒送與張浚看上面細細開載楊么屯兵某處楊欽屯兵某處俞瑞劉銑屯兵某處某處是險隘某處可以進兵岳公一

一指下道已有定畫都督若少留不八日可破賊也

張浚道王燮已有前轍君候何言之易也岳公道前日王燮以王師攻水寇則難飛今以水寇攻水寇則易若因敵將用敵兵奪其手足之助離其腹心之托八日之內當俘諸賊張浚壯其言却說楊么有個心腹之賊叫做楊欽膂力絕人黃佐又甜言苦口說他來降岳公大喜道楊欽驍勇今既來降賊腹心失矣遂表拔楊欽爲武勇大夫禮待甚厚因復遣楊欽到湖中去招降楊欽感激不勝因暗暗對岳公道將軍招降固妙然招降者有限還須如此如此方可完事

岳公聽了愈加歡喜楊欽辭去果又到湖中招了俞
端劉銑等來降進到轅門岳公見了就喝罵楊欽道
我叫你去湖中把衆賊盡招來降今却叫這幾個兒
來降原來是個不了事的見我何爲喝令左右拖翻
在地杖了二十道我今且恕你可速去到湖中盡數
招降方算你的大功楊欽喏喏而去岳公却暗暗調
下三萬人馬等到黃昏夜靜遂令衆兵馬啣枚去攻
他的陸砦衆兵馬到了一齊擁入那些賊人不曾防
備慌慌張張無計可施都大叫情愿投降岳公遂傳
令淮降那一夜就降了有七萬餘人衆人方曉得曰
問杖楊欽皆是岳公與楊欽定下之計欲以攻其所
不備也有詩爲証

鬼神不測是兵機

豈肯容人識是非

直待功成克奏後

方知妙算古來稀

湖賊此時已降去八九獨楊么還自擁着五萬餘兵
認做秦關之險萬萬無失又倚着他的大船利害往
來衝突無人敢當他那大船長有數十丈兩旁俱可
以走馬上有城樓強弓硬弩刀鎗銃石都藏于城樓

之內不用船舵前後做成大車輪數十若要運動着數百人一齊踏着車輪其法如飛他若要追人船頃刻便到人若追他便盡力也不能設兩旁又置了撞竿我船若近着他的這一撞便立成齏粉以此官兵再也奈何他不得岳公却想出一計叫三千人上山去砍取大木下來穿成大筏把那些港汊盡數填塞滿了又把腐木亂草浮于上流而下滿鋪水面却檢那水淺之處叫善罵之人一頭搖着船一頭亂罵惡言惡語無所不至楊么不知是計見官兵將他醜態都罵盡了激得楊么怒氣填胸兩太陽火星亂爆隨着人踏動車輪來追官兵只引他的船到那水淺之處草木壅集車輪之內將車輪碍住踏他不轉車輪不轉船便一步也不能行岳公乃遣兵急急與他廝殺那賊兵慌了忙要奔入港汊中去不料港汊口盡數多是巨筏塞滿官軍却乘筏子張着生牛皮以蔽矢石盡把巨木以撞其舟大隊官兵見楊么的船不能行動都攢攏來用撓鈎搭住爭先殺到船上楊么計窮逃到船尾上撲通的攏入水裏思量赴水而



逃不期牛鼻早已看見便將撓鈎搭將起來一刀砍了首級衆賊見了心膽俱碎只得投降此時揚么水陸兩路還有八寨岳公親歷諸寨用好言撫慰老弱者放回歸田少壯者籍以爲軍人人感激諸砦中糧草盡行搬運將來其餘砦柵一把火燒個乾淨果然只得八日斬了揚么湖湘盡平張浚聞知因贊嘆道岳侯真神筭也揚么初說除是飛來今果死於岳公之手真預兆也有詩爲証

揚么負固在湖襄

只倚船輪莫敢當

腐草滯流行不得

飛來真個遇飛亡

張浚見岳飛用兵如神遂命駐札襄陽以圖中原且對岳公道此君之素心也未幾僞齊劉豫遣了劉麟劉猊分兩路兵寇淮西聲勢甚是緊急此時是紹興七年岳公聞信卽上手書奏道

金人所以立劉豫於江南蓋欲荼毒中原以中國攻中國使粘罕得休兵觀釁臣欲陛下假臣月日便則提兵趨京洛據河陽陝府潼關以號召五路叛將旣還土師前進彼必棄汴而走河北京畿陝

右可以進復

高宗見書大喜道有臣如此顧復何憂進止之機朕不中制因又召到寢閣對岳飛道中興之事一以委卿岳飛出朝欲圖大舉不期秦檜力主和議惡岳公如仇忙進見高宗道不可主戰以失兩家和好高宗聽了因又詔止岳軍岳公又因論人不合張浚之意便解兵柄以終母喪步歸廬墓後因高宗屢詔衆將跪請只得趨朝待罪高宗再三慰諭始就原職過了數月岳公又上一本道

臣願提兵進討順天道因人心以曲直爲老壯以逆順爲強弱則萬全之効可必錢塘萍在海隅非用武之地願都上游用光武故事親率六軍往來督戰庶將士知聖意所向人人用命

高宗不報旣而岳飛又上奏願進屯淮甸伺便進擊高宗又不許但詔岳飛駐師江州以援淮浙地方岳公又知劉豫一心結交粘罕獨與兀朮不合一夜兵上巡哨偶然提得兀朮手下一個頭日解入帳中岳公此時正要離開劉豫於兀朮因心生一計遂携燈

下來仔細一照假意喝道你是張斌呀那頭目被捉已是一死忽見岳將軍錯認了他就假意應道正是張斌岳公便拍案大怒道我前遣你到齊邦約會劉豫引誘四太子來你竟不來我又遣人到齊已許我冬天會合寇紅爲名騙四太子到清和地方你竟無書來回我這是怎麼說因又拍案大罵那頭目在下叩頭求免情愿立功贖罪岳公聽了道既是這等怨你前次之罪今番與我持書再去先要約得停當做得謹密若漏泄了一毫機括二罪俱發那頭目聞言已得了性命便喏喏連聲岳公遂寫書一封約會劉豫引四太子來寇乘機擒取之意寫完以黃蠟封了對那假張斌道你拿此書到齊有機密事在內不可差誤討了回書來重重有賞遂將假張斌腿上割開一片肉納蠟丸在內那頭目只得忍痛而歸見了四太子備說前事將刀割開股肉取出蠟書兀兀看了大驚遂與金主計議登時領了勁兵襲破汴京執了劉豫廢爲蜀王中了岳公之計有詩爲証

一封書去廢奸臣
如此兵機始入神



何事朝中皆結舌 絕無劾奏去奸人

岳公見金人廢了劉豫滿心歡喜遂表奏高宗宜乘廢劉豫之際因其不備長驅中原以圖恢復高宗又不報到了八年金遣使張通古來說要歸我河南陝西之地以講和岳公因又上表言金人之言不可信和好之意不可恃相臣謀國不臧恐遺後世之譏秦檜見了恨如切骨九年正月金人因有別圖偶歸了河南之地高宗大喜以為和議講成天下無恙遂降詔大赦天下道

感上穹開悔過之期而大金報許和之約割河南之境土歸我輿圖戢宇內之于戈周全民命大赦天下咸使聞知

岳公見了赦詔不勝歎息道此燕雀處堂之勢也因又上疏道

昔姜敬上言於漢帝魏絳發策於晉公皆以為盟墨未乾口血猶在俄驅南牧之馬旋興北伐之師圖暫安而解倒懸猶云可也顧長慮而尊中國豈其然乎臣謂不戰而請和必卑詞而益幣今願定



西漢書卷之四
謀於全勝期收地於兩河唾手燕雲終欲復仇而
報國誓心天地當今稽顙以稱濟

此時和議已成這樣本章誰來採你誰知僅僅和得
一年到了次年金人舊性發作兀朮四太子早又率
領了一萬五千拐子馬來攻拱亳二州好不利害這
拐子馬軍士都坐在馬上披着重鎧隨你刀鎗箭鏃
一毫不能傷損那馬身上也都披著鐵甲用草索穿
連三人爲一連把馬一放一連三疋齊跑將起來勢
如潮湧官軍怎能抵敵接着便輪遞着便走好生利
害拱亳二州守將劉錡紛紛告急岳公公先遣將去救
劉錡然後自領了雄兵浩浩蕩蕩殺奔郾城既到郾
城早打探得兀朮率領龍虎大王蓋天大王與韓當
諸頭目放開拐子馬殺將出來岳公見拐子馬果然
洶湧恐挫了銳氣因分付兒子岳雲道金人所恃者
拐子馬也以爲人馬俱著鐵甲萬萬不能傷不知馬
足要走却不能穿甲汝若入陣不可仰觀只用麻扎
刀砍其馬足馬折一足則三馬齊倒而馬上之將自
墜破金在此一戰汝若不能成功卽將汝砍作兩段



勿謂吾無父子之情可拚命捨身以報朝廷吾自領
大軍隨後策應岳雲領了父命率了敢死步兵各執
麻扎利刀候金人的拐子馬一陣衝來他便督領着
將士並不看他上面低着頭只斫馬腳果然那拐子
馬一連三疋斫倒了一疋便三疋齊倒斫的馬腳多
只見一排一排就如泰山般都崩跌下來馬上的將
官縱如龍似虎馬倒了斫到栽葱跌將下來夾在馬
倒中那裡掙扎得起任憑岳家軍手起刀落如斫瓜
切菜正殺得屍橫遍野而岳公又領一枝生力兵前
來相助遂將這一萬五千拐子馬殺得一個不留蓋
天大王已砍成肉醬兀尤與龍虎大王韓當僅僅逃
得性命兀尤因大哭道吾自海上起兵以來皆以此
取勝今被他這一陣砍完都無用了此仇不可不報
這是郟城一捷正是


大敵等熊羆

摧鋒在出奇

何須誇驥足

一蹶勢難支

金兀尤的拐子馬原有五萬今被岳家軍砍了他一
萬五千他心中惱極又將其餘從新整理了叫馬上



將士俱用長鎗下刺防他來砍馬脚依舊一擁又到
鄆城來報仇岳營聞報岳雲卽要領兵出陣岳公道
他旣敢復來定有心防我砍馬脚若仍前殺去必然
不利須領三千鬼背兵去方可成功你道鬼背軍有
何能處原來都是岳元帥平日選了三千勇力之士
叫他身披着兩重鐵甲左手執藤牌右手執利刀日
日去跳濠攔濶攔跳時一起一伏都有法度若穿着
兩層鐵甲攔跳時竟有五七尺高則脫去鐵甲便換
了生牛皮甲連身子輕鬆就像蝴蝶兒一般若往上
一跳有一二丈高要砍人頭只如遊戲故今用之上
砍人頭下砍馬脚使金兵防下不能防上防上不能
防下岳雲點頭會意因領了鬼背軍而去只候那拐
子馬一到便向前衝殺這番的拐子馬雖然防護馬
脚比前甚嚴怎當得三千鬼背軍身輕力健就如猿
猴一般見他一心防馬脚便先躍上來亂砍人頭人
頭砍慌了只得提起鎗來顧上不期他又跳下來亂
砍馬脚馬脚一倒便又連片的跌將下來你要殺他
他東攔西跳那裡下手他要砍你甚是快便不須與

許多拐子馬又都結果了兀朮無奈只得率領殘兵落荒而走這是鄜城第二戰有詩爲証

上下均難備

全軍盡破堅

正如逢國手

無着不爭先

岳雲奏凱而回岳公因對他道兀朮屢敗旣不敢復來又不捨便去必定還攻潁昌潁昌王貴孤軍恐不能支汝宜速去相援方不令他乘隙岳雲領了父命剛到得潁昌而兀朮果如所算已領兵而來岳雲忙率騎兵八百上前決戰王貴又率游奕兵忙爲左右翼兀朮見了岳雲驚以爲神心先怯了及至合戰女塔夏金吾與副統軍粘罕孛謹都被殺了兀朮大敗只得遁去岳公見金兀朮兵勢甚衰中原震動遂自率了精兵二十萬殺奔朱仙鎮去汴京止得四十五里與兀朮對壘先遣岳雲領嵬背軍五百上前去擊兀朮見了嵬背軍先自膽喪戰不及數十合早又大敗虧輸自知掙扎不住只得棄了汴京而逃早量出塞忽有一個書生攔住馬頭叩馬而諫道太子勿走岳少保將自退矣兀朮驚問道他兵勢已如破竹焉

肯自退那書生道太子豈不知自古以來未有權臣
在內而容大將立功於外者吾恐岳少保自且不保
況欲成功乎兀朮聽了書生之言一時大悟因又回
兵住于汴京此時岳公已遣梁興布散德意密召兩
河豪傑韋銓孫謀等盡領兵固堡以待岳元帥來又
有李通胡清李寶孫琪等率衆來歸還有那磁相開
德澤潞晉絳汾隰州諸境都與岳元帥約日與師來
會凡是助岳元帥之兵旗上都寫岳字爲號那時百
姓爭挽車牛多備糧草以餽岳元帥兵一到皆香花
燈燭迎滿道路金兵隊裏統制王鎮崔慶將官李凱
崔虎華旺等都率衆投降龍虎大王名屹查千戶高
勇等俱密受岳元帥旗號暗以爲應將軍韓當要將
部下五萬人爲附岳公大喜因對衆將官說道直抵
黃龍府與諸君痛飲耳那時一路百姓都歡聲如雷
只望岳家兵來如解倒懸誰知秦檜力主和議欲將
淮北盡數棄置教衆將班師回朝岳公聞知因上疏
道

金人銳氣沮喪盡棄輜重疾走渡河豪傑向風士

卒用命時不再來機難輕失

秦檜見此數語曉得他不肯回兵遂詔張浚楊沂中等先回然後對高宗道岳飛孤軍不可久留乞合班師高宗已聽信秦檜和議之言遂一日發十二道金字牌詔岳飛班師豈不痛惜有詩爲詞

金人遠遁八千里

賊檜班師十二牌

若聽岳家勤勦敵

中原豈更有風霾

岳公見金牌連至知是秦檜之意憤惋泣下東向再拜對衆將官道十年心力瘵于一旦奈何奈何衆將官都來諫道此非朝廷之意皆秦賊朦蔽聖明如今中原震動四方響應正當恢復之時況將在外君命有所不受古人矯詔與師權以濟變元帥若領師前進衆將願出死力爲元帥前驅擒滅兀朮獻于天子然後歸朝待罪未爲晚也再不然請除君側之惡誅了秦檜然後再立功勳亦未爲不可岳公道依君之言則是岳飛反非秦檜反也斷斷不可遂唱退衆將卽日拔寨班師回朝那些百姓遮住馬頭哭訴道我等頂香運草以迎官軍金人盡知將軍一去我等性

命休矣岳公在馬上也洒淚道詔書既下我怎敢擅
留汝等若慮金人可急急從我遷徙庶性命可存我
爲汝暫留兩日衆百姓忙忙收拾都扶老挈幼跟隨
岳元帥遷回岳公隨奏一疏請以漢上六郡間田處
之岳公旣班師那金人歡聲如雷仍一齊發作將岳
元帥恢復的城池依然盡數奪去岳公回朝面見高
宗并無一語遂力請解了兵柄金人所言和約不上
半年早又分道渡淮勢如風雨且寫書與秦檜不殺
岳飛和議必不堅久故秦檜叫萬候高等將莫須有
之事粧成圈套再三羅織竟將岳家父子陷在大理
獄中風波亭上斷送了性命并送了宋室的江山好
人方纔快活以爲得計誰知一時之受用有限而千
古之罵名無窮人生誰不死而岳公一死却死得香
馥馥垂萬世之芳名今日雖埋骨湖濱而一腔忠勇
凡智愚賢否無日不叩拜景仰而痛惜之湖山也增
幾分顏色題咏甚多以趙子昂作爲最詩曰

岳王坟上草離離

秋日荒涼石獸危

南渡君臣輕社稷

中原父老望旌旗



英雄已死嗟何及


天下中分遂不支

莫向西湖歌此曲

水光山色不勝悲



東洋文化研究所
圖書部



不 許 複 製

NOT TO BE REPRODUCED

東京大学東洋文化研究所